

Maika

Asiria naniktä Juda ämawebe komi piäken api yepmanpek

Maika 5:2-5a

Intäjukun äma kubätä Betlehem komeken api ahäwek

5 ^{2^a} Yawetä ñode yäyak;
Betlehem Efrata, gäk Juda kome täño yotpärare päke unitäño täpuri ude itan. Upänkañ inken intäjukun äma pähap kubä api ahäwek. Ahänpän näkñaken äbot, Isrel ämawebe u näkño wäpna terak api yabän yäwarek. Äma unitäño oraniye uwä bianinik umu ahänkuñotä ahän yäpmän äbäkañ. ^{3^b} Unita Yawetä Isrel äbot iwan keru terak yepmanpän it yäpmän kuñtäko webe kubä Ekänitä iwoyänkuko unitä nanak api bäyawek. Kadäni uken intäjukun äma unitäño noriye ätu ämatä komeken komi epän terak itkuño u äbänpän Isrel noriyekät äneñi kubäkengän api itneñ. ^{4^c} Tänpäkañ intäjukun äma unitä yawakiye Yawe Anutuni täño kehäromi ba wäpi ba epmäget kudäni uterak watä kehäromi api it yämek. Watä it yäminjirän säkgämän api itneñ. Täñkañ äma unitäño kehäromi ba wäp biñam ärowanitä komeki komeki api kuñ morewek. ^{5^d} Ude täñkañ bänep kwini täño mäheki ude api it yämek.

Maika 6:1-8

Yawetä Isrel ämawebe manken yepmanjuk

6 ¹ Yawetä man yäyak ño juku peñpän nadäwut! Näkä in manken tepmanjat ñowä mebarijin yänjahänpän näwerirä pom imaka,

^a 5:2 Mat 2:6; Jon 7:42 ^b 5:3 Mat 12:50; Rom 9:23-28, 11:5 ^c 5:4 Ais 40:11, 49:9-10; Ese 34:23-24; Jon 10:24; Sam 45:6; Mat 25:1; Efe 1:13 ^d 5:5 Ais 9:6; Luk 2:14; Jon 14:23; Efe 2:14-17

nadawut! ² Oi pom, in ba kome tãjo meham kehãromi tãrek-tãreki nãmo it tãkaŋ in juku peŋpãŋ Yawetã Isrel ãmawebe manken yepmaŋpãŋ man piã tãŋpayãŋ tãyak ŋo nadawut.

³ Yawe nãkã ŋode tãwet yabãtat; ãmawebenaye, nãkã goret jide tãŋ tamiŋkut? Ba bãrãpi jide u pewa ahãŋ tamiŋkuk? Unita kowata nãwerut!
⁴ Nãkãgãn Isip kome, komi piãken nanik in wãdãŋ tãdotpãŋ tãmagut yãpmãŋ ãbut. Kãdet tãwoŋãrenpãŋ yãŋ-tãkŋat yãpmãŋ ãbãkta Moses kenta Aronkãt Miriam upãŋ iwoyãŋpãŋ yepmaŋkut. ⁵ O ãmawebenaye, Moap nanik tãjo intãjukun ãma wãpi Balak unitã waki tãŋ tamikta nadãk tawaŋ peŋkuko unita juku piwut. Ude tãŋ tamikta nadãk tawaŋ peŋirãn Beo tãjo nanaki Balam unitã Balak iwetkuko unita imaka, nadawut. Ba bãmop ãma ãtu topmãk-topmãk tãjo gãpe Gilgal yotpãrare yãpmãŋ kuna yãŋpãŋ Sitim kome peŋpeŋ kuŋtãŋgãn ume taŋi kubãken ahãŋirã kudãn nãkã pewa ahãŋkuŋo unita juku piwut. Imaka udewanita juku pinayãŋ tãjo uyaku inŋin tãŋkentãŋ tamikta jide tãŋ tamiŋkuro u api nadãŋpãŋ yãpmãŋ kuŋatneŋ.

Kudãn Yawetã gãripi nadãk tãyak unita man

- ⁶ Yawe Anutu kunum gãnaŋ nanik u iniŋ oretta ãbãŋpãŋã imatãken upãŋ tãga yãpmãŋkaŋ ãbet?
 Bulimakau nanaki sãkgãmãnik upãŋ yãpmãŋ pãbã irona ude tãga ijiŋ imet?
- ⁷ Ba sipsip ãmani tausen mãyapinik iŋamiken yãpmãŋ ãbãŋira gãripi nadãwek ba nãmo?
 Ba olip gakŋi kãbot tausen mãyapinik udepãŋ yãpmãŋ ãbãŋira Yawetã unita gãripi nadãwek ba nãmo?
 Ba nanakna intãjukun nanik mominata kowata utpãŋ iniŋ kirewero uwã iŋamiken tãgawek?
- ⁸ ^h Ude nãmo! Yawetã kãdet tãga nintã tãkta uku bian niwetpãŋ niwoŋãrenkuk. Unita kãdet ugãnpãŋ tãkta nadãk tãyak. Kãdet u ŋode;
 ãmata kudãn siwoŋi tãŋ yãmiŋkaŋ orakorak kãdet iwatpãŋ nininta nadãna ãpani tãŋpãpãŋ Anutunin gãmoriken kuŋatpãŋ ukãt bãnep kubãgãn itne.

^e 6:3 Sam 50:7, 81:8,13; Rom 3:4-5, 3:19 ^f 6:4 Kis 4:10-16, 12:50-51, 15:20

^g 6:5 Nam 22:2-24:25; Jos 3:1-4:19 ^h 6:8 Stt 18:9; Sam 73:28, 37:26; Ais 58:6-9; Hos 6:6; Efe 4:32; Kol 3:12; Jem 4:6-10; 1Pi 5:6